



UNIVERSITÄTS-
BIBLIOTHEK
PADERBORN

Vitæ D. N. Iesv Christi Monotessaron Evangelicum

Heser, Georg

Monachii, 1657

246. Præmium eorum, qui, omnibus relictis, Christum sequuntur.

Nutzungsbedingungen

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

MEDITATIO CCXLVI.

Didagma LII. Præmium eorum, qui,
omnibus relictis, Christum se-
quuntur.

I. **T**unc respondens Petrus, dixit ei: Ecce nos reliquimus omnia, & secuti sumus te: quid ergo erit nobis? *Matth. 19. v. 27. Marc. 10. v. 28. Luc. 18. v. 28.*

II. IESUS autem dixit illis: Amen dico vobis, quod vos, qui secuti estis me, in regeneratione, cum sederit filius hominis in sede maiestatis suæ, sedebitis & vos super sedes duodecim, iudicantes duodecim tribus Israël. *Matth. 19. v. 28.*

III. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, (propter me, & propter Evangelium, *Marc. 10. v. 29. Luc. 18. v. 29.*) centuplum accipiet, & vitam æternam possidebit. *Matth. 19. v. 29.* Nemo est, qui non accipiat centies tantum, nunc in tempore hoc, domos, & fratres, & sorores, & matres, & filios, & agros, cum persecutionibus; & in sæculo futuro, vitam æternam. *Marc. 10. v. 29. & 30.* Multi autem erunt primi, novissimi: & novissimi, primi. *Matth. 19. v. 30. Marc. 10. v. 31.*